

Bosna i Hercegovina
Federacija Bosne i Hercegovine
Tuzlanski kanton
Grad Živinice
Gradsko vijeće
Broj: 06-04-2740/21
Živinice, 23.04.2021

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03 i 34./03 i 65/13), člana 24. Statuta Grada Živinice („Službeni glasnik grada Živinice“ broj 5/19), odredaba Odluke o utvrđivanju standarda i kriterija za imenovanja na upražnjene pozicije u reguliranim tijelima grada Živinice („Službeni glasnik Grada Živinice“ broj 13/20) u vezi Odluke o imenovanju Komisije za izbor u reguliranim tijelima Grada Živinice („Službeni glasnik Grada Živinice“ broj: 8/19, 13/20 i 3/21), Gradsko vijeće Živinice, **o b j a v l j u j e**

JAVNI OGLAS

za izbor i imenovanje članova upravnih odbora javnih ustanova čiji je osnivač Grad Živinice

I OPĆE ODREDBE

Objavljuje se Javni oglas za izbor i imenovanje članova upravnih odbora javnih ustanova, čiji je osnivač Grad Živinice, kako slijedi:)

- 1.JU "RTV" Živinice - tri člana (od kojih se jedan bira iz reda stručnih radnika Ustanove),
- 2.JU "BKC" Živinice - tri člana (od kojih se jedan bira iz reda stručnih radnika zaposlenih u Ustanovi),
- 3.JU "Centar za socijalni rad Živinice" - tri člana (od kojih se jedan bira iz reda stručnih zaposlenika Ustanove),
- 4.JU "Dječije obdanište" Živinice - tri člana, (od kojih se jedan bira iz reda osnivača, jedan iz reda Vijeća roditelja Ustanove i jedan iz reda stručnog osoblja predškolske Ustanove),
- 5.JZU "Dom zdravlja" Živinice - dva člana (od kojih se jedan bira iz reda osnivača, jedan iz stručnih radnika Doma zdravlja).

II OPIS POZICIJE

Nadležnosti Upravnog odbora:

- a) donosi pravila/statut ustanova,
- b) imenuje i razrješava direktora,
- c) utvrđuje planove rada i razvoja,
- d) utvrđuje godišnji program rada,
- e) donosi finansijski plan i usvaja godišnji obračun,
- f) donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima/statutima ustanove,
- g) odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove,
- h) usmjerava, kontroliše i ocjenjuje rad direktora,
- i) rješava sva pitanja odnosa sa osnivačem,
- j) odlučuje o korištenju sredstava preko iznosa utvrđenog pravilima/statutom ustanove,

- k) odgovara osnivaču za rezultate rada ustanove,
- l) odlučuje o prigovoru zaposlenika na rješenje kojim je drugi organ određen pravilima/statutom ustanove odlučio o pravu, obavezi i odgovornosti zaposlenika iz radnog odnosa,
- m) podnosi osnivaču najmanje jedanput godišnje izvještaj o poslovanju ustanove i
- n) vrši druge poslove u skladu sa zakonom i pravilima/statutom ustanove.

III MANDAT I NAKNADA ZA RAD

Predsjednik upravnog odbora saziva sjednice odbora, rukovodi sjednicama odbora, stara se o pripremi materijala za sjednice odbora, o izvršavanju akata odbora i obaveza odbora prema osnivaču, te obavlja i druge poslove utvrđene zakonom i pravilima, odnosno statutom ustanove.

Članovi upravnih odbora javnih ustanova imenuju se na period od 4 (četiri) godine uz mogućnost ponovnog imenovanja u skladu sa Zakonom.

Imenovane osobe imaju pravo na naknadu za obavljanje dužnosti predsjednika i člana upravnog odbora, koja se utvrđuje posebnom odlukom Gradskog vijeća Živinice.

IV USLOVI ZA IMENOVANJE NADZORNIH ODBORA

Kandidati koji se prijavljuju na poziciju iz tačke I Oglasa, moraju ispunjavati opće i posebne uslove kako slijedi;

A) Opći uslovi:

- 1) da su stariji od 18 godina,
- 2) da nije otpušten iz državne službe kao rezultat disciplinske mjere (bilo na nivou države ili entiteta) u periodu od 3 godine prije dana objavljivanja upražnjenje pozicije,
- 3) da se na njega ne odnosi član IX 1. Ustava Bosne i Hercegovine,

B) Posebni uslovi:

- 1) da je državljanin Bosne i Hercegovine,
- 2) visoka stručna sprema,
- 3) jedna godina radnog iskustva, nakon sticanja visoke stručne spreme
- 4) da je zdravstveno sposoban,
- 5) da nije član upravnog ili nadzornog odbora u više od jednog reguliranog organa,
- 6) komunikativne i kreativne sposobnosti za savjesno, odgovorno i odlučno obavljanje upražnjene pozicije,
- 7) sposobnost nepristrasnog donošenja odluka,
- 8) rezultati rada ostvareni tokom prethodnog radnog angažmana,
- 9) preporuke ranijih neposrednih rukovodilaca,
- 10) poželjno poznavanje stranih jezika,
- 11) da nema privatni finansijski interes u reguliranom organu u koji se kandiduje.

V POTREBNI DOKUMENTI

Uz potpisanu prijavu na javni oglas kandidati su dužni priložiti:

- 1. kraću biografiju, adresu i kontakt telefon,

2. na prijavi obavezno naznačiti da li se prijavljuje ispred reda stručnih zaposlenika ustanove, ispred vijeća roditelja, ispred osnivača ako se prijavljuje po navedenom osnovu,
3. uvjerenje o državljanstvu, ne starije od 6 mjeseci, original ili ovjerena kopija,
4. ljekarsko uvjerenje, original
5. diploma o završenoj stručnoj spremi, original ili ovjerena kopija,
6. dokaz o radnom iskustvu, original ili ovjerena kopija,
7. ovjerenu izjavu kojom dokazuju da ispunjavaju ostale opće uslove iz tačke A. 2), 3) i B. 11),
8. uvjerenje izdato od JU da je kandidat koji konkuriše uposlenik u stalnom radnom odnosu (za kandidate koji se biraju iz reda stručnih uposlenika ustanove)
9. izjavu ovjerenu od strane nadležnog organa ukoliko se prijavljuje ispred reda Vijeća roditelja za Javnu ustanovu „Dječije obdanište” Živinice.

Uvjerenje iz tačke 4, dostavljaju samo oni kandidati koji budu izabrani od strane Gradskog vijeća.

Na prijavi kandidat je dužan prilikom apliciranja na javni oglas, obavezno navesti naziv javne ustanove za čiji se upravni odbor prijavljuje i da li se prijavljuje iz reda stručnih zaposlenika ustanove, ispred osnivača ili kao član Vijeća roditelja, u protivnom će prijava biti odbačena kao nepotpuna.

Kandidat koji bude imenovan za predsjednika ili člana upravnog odbora, dužan je odmah nakon konačnog imenovanja dostaviti ovjerenu izjavu da nije predsjednik ili član nadzornog ili upravnog odbora drugog društva ili institucije.

VI OSTALE ODREDBE

Komisija će sastaviti listu sa užitim izborom kandidata koji ispunjavaju kriterije za imenovanje.

Svi kandidati sa liste koji ispunjavaju uslove bit će pozvani na intervju u roku od 8 dana.

Podnosioci prijave s kojima se ne stupi u kontakt u roku od 8 (osam) dana, od isteka roka za podnošenje prijave neće se uzeti u razmatranje u daljem procesu imenovanja.

Prilikom pristupanja na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Prije intervjuja komisija može tražiti podatke od neposrednih ranijih rukovodilaca i preporuke o kandidatima.

Nakon intervjuja Komisija za izbor će predložiti Rang listu sa najboljim kandidatima i dostaviti odgovornom javnom službeniku Grada Živinice - Gradskom vijeću, na daljnje razmatranje i konačno imenovanje.

Konačna imenovanja će se objaviti u „Službenim novinama Federacije BiH“ i “Službenom glasniku Grada Živinice”.

Bilo koji kandidat ili zainteresirana stranka mogu podnijeti prigovor na konačno imenovanje, ako smatraju da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u FBiH.

Prigovor na konačna imenovanja se podnosi odgovornom javnom službeniku Grada - Gradskom vijeću Živinice u roku od 7 (sedam) dana od dana objave konačnog imenovanja, a kopija se dostavlja Ombudsmenu za ljudska prava BiH.

Javni oglas ostaje otvoren 15 (slovima: petnaest) dana od dana objavljivanja u „Službenim novinama Federacije BiH“, dnevnom listu Oslobođenje, web stranici Grada Živinice (www.gradzivinice.ba) i oglasnoj ploči grada Živinice.

Rok za podnošenje prijava računa se prema datumu objave Oglasa u glasilu koje zadnje objavi ovaj oglas.

Napomena: Dokumenti predati uz prijavu neće se vraćati kandidatima

Prijave sa svim traženim dokumentima dostaviti lično ili preporučeno poštom na adresu:

**Grad Živinice,
ulica Alije Izetbegovića br. 28, 75250 Živinice,
sa naznakom
Komisija za izbor u reguliranim tijelima grada Živinice**

**„Prijava na javni oglas za izbor i imenovanje članova upravnih odbora javnih ustanova (na koverti obavezno naznačiti naziv javne ustanove za koju se prijavljuje)
NE OTVARAJ“.**

Neblagovremene i nepotpune prijave neće se uzeti u razmatranje.

Predsjedavajući Gradskog vijeća Živinice

Nail Jusić